



Uunga: Inatsisartunut ilaasortaq, Anthon Frederiksen, Partii Naleraq

Sulisut tikisitat pillugit § 37 naapertorlugu apeqqut nr. 176-imut akissut

Brevdato: 19-09-2016
Sags nr. 2016 - 11380
Akt id. 3572762
J.nr. 48.60

Apeqqut 1:

Nunatsinni sulisut sulianillu assigiinnik ingerlatsisut tikisitat kalaalliniit qaffasinnerujussuarmik akissarsiaqartinneqarnerat Naalakkersuisunit akuerineqarsinnaavaa?

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl
www.naalakkersuisut.gl

Akissut:

Naalakkersuisut pingaartippaat, pisortani isumaqatigiissutit, Namminersorlutik Oqartussat isumaqatigiissutigisaat, namminersorlutik oqartussanit, kommuninit kiisalu suliffeqarfinnik iluanaarutinik ingerlasunit malinneqarnissai. Sumi inungorsimaneq aallaavigalugu akissarsiaqarneq 1991-imi atuutilersumik atorunnaarsinneqarpoq, taamanili pisortani isumaqatigiissutini tunngavittut piumasaqaataalerpoq, sulisut nunaqavissut kiisalu tikisitat akissarsiaat assigiinngissuseqassanngitsut.

Naalagaaffiup ataani atorfillit akissarsiatigut atugai eqqaassagaanni, taakku atugai Naalakkersuisut sukumiisumik ilisimasaqarfiginngilaat, tassani isumaqatigiissutit Naalakkersuisut allaffeqarfianni allaffissornikkut suliarineqanngitsut ataanni inissisimameri pissutigalugit.

Apeqqut 2:

Apeqqut 1.imi akissut naamik-uppat, Naalakkersuisut qanoq iliuuseqarniarpat ?

Akissut:

Naalakkersuisut paasippassuk, pisortani oqartussaasuni pisortani isumaqatigiissutit malinneqanngitsut, tamanna Aningaasaqarnermut Sulisoqarnermullu Aqutsisoqarfimmi Isumaqatigiinniartarfiup uparuassallugu suliassaraa.

Apeqqut 3:

Apeqqut 1.-imi akissut aappiuppat, aaliangersakkat suut tunngaviuppat ?

Akissut:

Akissut 1 takuuk.

Apeqqut 4:

Naalagaaffimmi atorfillit kalaallit soraarnerussutissiaqarnissamut katersinermi tikisitaniiit appasinnerusunik katersitinneqarnerat Naalakkersuisunit akuerineqarsinnaavaa ?

Soraarnerussutisiaqarnissamut katersineq naalagaaffimmi tjenestemandinut atatillugu, atorfillit pillugit inatsisitigut aalajangersarneqarpoq. Naalagaaffimmi atorfillit allat pillugit soraarnerussutisiaqarnissamut katersinerit naalagaaffiup kiisalu kattuffiit isumaqatiginninniarsinnaatitaasut akornanni aalajangerneqartarput. Naalakkersuisut politikkerat, atorfillit assigiimmik pineqassasut kiisalu atorfiup imarisai, atorfillip ilinniagaa kiisalu misilittagai il.il., naapertorlugit akissarsiassai tapisiai aamma soraarnerussutisiassanut katersinerit il.il. aalajangerneqartassasut. Kalaallit Nunaanni piffissaq tamakkerlugu suliffik nalinginnaasumik sapaatip akunneranut 40 tiimiupput. Danskil Naalagaaffia aalajangerpat atorfillit ilai sivikinnerusumik sulisassasut, naalagaaffiup tamanna aalajangarissavaa.

Naligiissitaaneq pillugu qulaani politikki taaneqartoq politikkiuvoq, pisortani isumaqatigiissusiornikkut piviusunngortinneqartartoq.

Taamaattorli naalagaaffiup ataani atorfillit atugai Naalakkersuisut sukumiisumik ilisimasaqarfiginngilaat, tassani isumaqatigiissutit Naalakkersuisut allaffeqarfianni allaffissornikkut suliarineqanngitsut ataanni isumaqatigiissutit inissisimani pissutigalugit.

Namminersorlutik Oqartussat kiisalu Kalaallit Nunaanni kommunit maannakkut tjenestemandit ikilisaleruttorpaat, taamaattumik tunngavittut tjenestemanditut atorfinitsitsisarneq unitsinneqarpoq.

Apeqqu 5:

Naalagaaffimmi atorfillit kalaallit sapaatip akunneranut 40 tiimit sulisussaataanerit tikisitallut taamaallaat 37 tiiminik sulisussaataanerit Naalakkersuisunit akuerineqarsinnaappaat ?

Apeqqu 4-mut akissut takuuk.

Apeqqu 6:

Naalagaaffimmi atorfillit kalaallit sumiiffimmi tapisiaqartinneqannginnerat, illua-tungaatigulli suleqatit tikisitat ilaatigut qaammammut 5.000,- kr-it angullugit tapisiaqartinneqarnerat Naalakkersuisunit akuerineqarsinnaavaa ?

Apeqqu 4-mut akissut takuuk.

Inussiarnersumik inuulluaqqusillunga
Med venlig hilsen

Randi V. Evaldsen